

UGOVOR O NABAVCI SIGURNOSNIH VRATA

Zaključen između:

Sud Bosne i Hercegovine, Ulica Kraljice Jelene broj 88, Sarajevo kojeg zastupa predsjednica Suda Bosne i Hercegovine Medždžida Kreso (u daljem tekstu ugovorni organ) i

„Narval“ d.o.o., Ulica Zmaja od Bosne b.b., Sarajevo kojeg zastupa direktor Emir Drljević (u daljem tekstu dobavljač)

član 1.

Predmet ovog Ugovora je nabavka sigurnosnih vrata (1 kom) za potrebe Suda Bosne i Hercegovine, a prema Odluci o dodjeli ugovora u postupku direktnog sporazuma broj: Su-08-265/15 od 05.11.2015. godine

član 2.

Ukupna vrijednost ugovora je 1.500,00 KM bez PDV-a na osnovu ponude broj: 215-11/15 od 30.11.2015. godine.

član 3.

Mjesto isporuke opreme je Sud Bosne i Hercegovine, Kraljice Jelene 88, Sarajevo.

član 4.

Plaćanje isporučene robe Ugovorni organ će izvršiti po prispjeću fakture.

član 5.

Ugovor stupa na snagu danom zaključenja, a traje do izvršenja obaveza ugovornih strana.

član 6.

Svaka od ugovornih strana može jednostrano raskinuti Ugovor i prije roka određenog za njegovo ispunjenje, ako je iz okolnosti posla jasno da jedna od ugovornih strana neće moći ispuniti svoju obavezu i onda kada bilo koja ugovorna strana izjavi da svoju obavezu neće ispuniti.

Svaka od ugovornih strana može raskinuti Ugovor zbog toga što neka od ugovornih strana svoje dospjele obaveze ne ispuni ni u naknadno prihvatljivom roku za sve ugovorne strane.

Ugovor se ne može raskinuti zbog neispunjenja neznatnog dijela obaveze. Kao neznatno neispunjenje smatraće se ono koje bitnije ne otežava ostvarivanje svrhe ovog ugovora.

Izjava o raskidu Ugovora daje se pismeno. Ugovorna strana koja je osnovano, jednostrano raskinula Ugovor ima pravo na naknadu štete prema opštim pravilima obligacionog prava o naknadi štete.

Član 7.

Svi eventualni sporovi koji nastaju realizacijom ovog Ugovora rješavat će se sporazumno u protivnom nadležan je Sud u Sarajevu.

član 8.

Ugovorne strane su saglasne da se za sve ono što nije definisano ovim ugovorom primjenjuju odredbe Zakona o obligacionim odnosima.

član 9.

Ugovor je sačinjen u 4 (četiri) istovjetna primjerka, od kojih po 2 (dva) zadržavaju obje ugovorne strane.

Ovaj Ugovor se smatra zaključenim kad sve istovjetne primjerke Ugovora potpišu ovlaštene osobe.

**Za dobavljača:
„Narval“ d.o.o.
Direktor**

Drljević Emir



**Za ugovorni organ:
Sud Bosne i Hercegovine
Predsjednica**

Medžida Kreso

Sarajevo, 30.11.2015. godine

Broj: 011-1-15

Sarajevo, 30.11.2015. godine

Broj: 84-08-345/15